

omnia desint, Deo adjuvante, nusquam deerunt animi, nusquam spes deerit, nusquam patientia: charitas enim omnia potest, omnia sustinet. Hoc polliceri sancte possum, de omnibus quotquot h̄ic degunt, Patribus. Paratum habent pectus ad omnia: non crucees, non pericula, non cruciatus ullos exhorrent, quorum in conspectu vivunt, in quibus mori, habent in votis, eò feliciorem æstimantes missionis hujus statum, suæque vocationis dignitatem, quo propius positam ante oculos jam vident, crucem quisque suam, seque omnino in cruce positos; unde eos eripere, nullus mortalium possit; unde eosdem detrahere, sola jubentis Dei voluntas queat, qui per obedientiæ vocem eis loquatur. Amet nos, vestra Paternitas, filios suos et benedicat nobis, in cœlestibus, in christo; quia filii Crucis sumus, utinam in eâ moriamur. Hæc summa est votorum nostrorum, hæc spes nostra, hoc nostrum gaudium quod nemo tollet a nobis.

R^{dae} admodum P^{tatis} V^{ae}

Humillimus et obsequentissimus filius

PAULUS RAGUENEAU.

Ex Domo Sanctæ Mariæ in
Insula Sancti Josephi apud Hurones
In Novâ Franciâ 13^o Martii 1650

Admodum Reverendo in Christo
Patri nostro Vincentio Caraffæ
Præposito Generali Societatis Jesu, Romam.